



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,
CARDINALITIIS DISPUTATIONIBUS,
*manè discutienda, in Scholis Medicorum, die Martis septimâ
mensis Aprilis, anno Domini M. DCC. LXVII.*

M. LUDOVICO-JOANNE-BAPTISTA COSNIER;
Doctore Medico, Præsîde.

*An illud apprime ad sanitatem utile ut ne quid nimis ? **

I.



EDIOCRITATEM, rectè cecinit auream, Ro-
mana fidicen Lyra. Hanc si sacra profanis immiscere
licet, oneri divitiarum molesto longè anteponendam,
edixit divinæ sapientiæ oraculum. Nec ergo cum
Cynicis obsoleti sordes testi affectabis; nec luxui in-
hians infanis aciem fulgoribus obstupefcere & perstringi fines.
Quem morum scientia beatum prædicat, hunc Physice sanum at-
que vegetum fore promittit: utrumque si quæris, nosce quæsi-
tis uti sapienter, discce mentem rebus in arduis æquam servare,
ab insolenti temperatam lætitiâ; & si quæ dedit, ludum crude-
lem ludere pertinax fortuna, ad alios transfert, placidus resigna;

* Terent.
Andr. Sc
I. Act. I.

nec minus rebus accisis quàm integris frueri. Labores à naturâ impositi, dulcis otii intervallis temperandi. Nec cibus nisi fame suadente sumendus, nec nisi emptus labore. Uno verbo cùm virtus sit medium vitiorum utrinquè reductum, ab eâ ne latum unguem recedere annitendum est. Sic ex ipso mortalium diversis erroribus palantium exemplo, vir cordatus, certa suæ felicitatis fundamenta stabilire doctus, mentem sanam in corpore sano sibi vindicat.

I I.

QUOD rusticus abnormis sapiens & crassâ eruditus Minervâ tibi prædicabit, doctius demonstrabit Physice. Quid enim per eam in rebus non naturalibus quam ab homine requirimus moderationem, intelligimus? Nihil aliud, præter libratam atquè concinnatam ad corporis facultates, externorum agentium actionem, ita ut in illâ nihil non proportionale sit corpori. Hinc licet eadem præcepta omnes comprehendant, æque neglecta omnibus noceant, non eadem mensura competit pueris, mulieribus, languidulis, & duro fractis labore militum artubus. Ex hac observatione pendunt æterna illa axiomata quæ se primum posuisse gloriatur Hippocrates, dum ait cibos semper ad labores proportionem respondere debere, &c. ut impensa expensæ. Ita tenuior materia debilioribus aptabitur, valida alimenta robustis offerentur. Simul indè pater quantum in se ipsos peccent qui gulæ obsequiosi, hesternis crapulis semper hodiernam dubiæ mensæ ingluviem agglomerant, & humi affigunt divinæ auræ particulam. Ne tamen te sapientem credas si, Verulamio Duce, cruciatum famis aut sitim, quasi corpora indurantes, nimium patienter, ne dicam stultè tuleris. Pejora sunt dictante Hippocrate, confirmante Sanctorio, inediæ quam paulò plenioris diætæ pericula. Prostrantur vires abstinentiâ, mens hebescit, liquorumque acrimonia brevi abit in pessimam vixque restituendam putredinem. Usquè adeo nimis sapere periculosum!

I I I.

INCUMBIT homini Atmosphæra. Hanc spiritu haurimus. Hanc deglucitione sorbemus. Quot & quanta ab hoc fonte incumbant mala si pondere vel elaterio aer peccaverit, simplicior docebit Physice. Sensus ipse vel indoctior quoties excessit peccat aer, vernam requirit cœli indulgentiam, & votis exposcit ardentibus moderatam solis actionem, seu sitientes agros exurat

Syrius, five acre gelu tellurem adstrixerit. Quot ab utroque excessu mala nascuntur novisse si velis, contemplare jacentes sub curru nimium propinqui solis Afros aut Arabas. Quot pestes ibi nascuntur, quæ dira inde per contagia sæpè per universum orbem profunduntur. Ibi impotentia ad labores, ævi brevitæ, morborum putrida cæterva. Intereâ squalentes agros viperarum aut insectorum genera mille dehonestant, unde tot desertæ regiones ad meridiem sinè honore jacent. Nec frigoris sævities minor. Laponum & Borealium Homuncionum triste genus in egestate, rigenteque inediâ, ad scientias & munia publica inhabile elanguescit, & elanguescet in æternum cum vix vitæ ferinæ sufficiat. Ex hac inamœnâ locorum inhospitalium sentinâ si te ad temperatas Europæ aut Asiæ regiones contuleris, harum mirabere felicitatem, civium ingenia, mores, legum observantiam, proveniunt ubertatem, segetum felicitatem, pecorum nitorem, omniaque ad moderationis laudem optimè comparata. Quid & morbi ipsi quandoquidem urget ubiquè mortales fatum ineluctabile *distans*, *distans* melius ad sanitatem & crîsum vertuntur. Ex epidemicis constitutionibus vernaes etiam leniùs defæviunt & curantur faciliùs, testibus Hippocrate, Ballonio, Sydenhamo, Ramazzino, Huxhamo.

I V.

SI verò ab iis quæ in hominè ab externis invehuntur, ad ea quæ nascuntur intus referamur; jam nihil acriùs hominem conturbat, ejusque sanitatem plus funditus proterit, quam illi tumultus qui ab impotente animâ exorti, in corpus ferali commercio refunduntur. Animi motus vivaciores ut ira brevis furor ille quibus exardescit atro felle machina, aliquando subitò trucidare. Lenti, tardo conficiunt cruciatu. Aspice Achillis in Agammemnona furentis truces oculos, sanguineam volventes aciem, eadem atque incendia spirantes, & ad intimam usque ossium medullam robur ferinum infundentes. Mox idem Patroclum lugens, oculis ad terram demissis, genis pendulis, nec jam juvenetæ virilis flore nitentibus oculis, rumpit illa suspiriis, quibus vix per pulmones transmittendus sanguis in tardo motu incitetur. In utramque partem miser seu nimis laxo, seu nimis contento fune laboret. Prior status imaginem Phrenetici exhibet, alter Cataleptici; in quæ mala animi motus sæpè transeunt. Quid juvenis cui durum versat ignem in ossibus, durus amor? Dece-dunt vires, deseruntur officia, mens hebet, vacillat lingua, cor-

pus contabescit. Nec minori angunt discrimine maleſuadus livor ; ambitio miſera , ſordida auri fames , omnia quæ dum hominem à rationis recto tramite deturbant , ſanitatẽ ſimul peſſumdant. Uſque adeo operæ pretium eſt animum fortiter vinclis atquẽ catenâ compellere , qui niſi paret , imperat. Tantæ molis erat moderatricem condere Philoſophiam ! inquã tamen , acius aliquandò ſtudio nocturnis vigiliis , inquietãque ſollicitudine corpus peſſumdedit , ita ut Celſo teſte ſub iisdem authoribus naſci debuerint & Philoſophia animorum & medicina corporum medicatrices.

V.

HOMO ſanus & qui ſuæ ſpontis eſt nullis obligare ſe legibus debet , Celſo authore. Nec ergo , inquires , debet ad exceſſum quemvis pallere. Et turpe eſt homini civi & ad publica munia nato cuticulam curare , auras exſpicari , cibos viles ſpernere , ſomnos metiri & de ſe ita eſſe ſollicitum ut cætera fordeant , & *propter vitam vivendi perdere cauſas.*

Aſſentiemur illicò , & cum Platone artis illius quæ hanc diligentiam docet præceptores exules eſſe præcipiẽmus. Quidni ! peccat exceſſu formidinis cæcæ qui talia capescit , & nunquam ſanitate certâ fruetur , qui varietatis fructus non ſentiet. Sed & Celſi conſilium & varietas ipſa victûs , ſi non certis circumſcribantur limitibus , periculofa ſunt , notante & experimentis comprobante Sanctorio , ſi dum vitas vitia , curris in contraria , ſi paſtillos Ruſilli , Hirco Gorgonii mutandos credas. Demùm ſi omnia quæ te circumſtant meditata lultres obſervatione , ex abuſu miſerrima mala , ex uſu robur & ſanitatẽ naſci debere certò deprehendes , concludes ergo nihil tutum eſſe præter moderationem , nihil ſibi fortunam in rebus hominum vindicare ſi faciem præferat ſapientia quæ doceat rebus prudenter uti.

Ergò illud apprimè ad ſanitatẽ eſt utile ne quid nimis.

Proponebat Pariſiis DOMINICUS JOANNES-BAPTISTA DE
L'A BICHE , Pariſinus , Saluberrimæ Facultatis Medicinæ
Pariſienſis Baccalaureus , Theſeos Auctoꝝ A. R. S. H. 1767.
A SEXTA AD MERIDIEM,